

դնդերը լարուել են, գլուխս ծանր է:

Շուտ վերադառնում եմ տուն:

\* \* \*

Ամէն օր նոր յիշատակներ են արթնանում իմ մէջ:

Մեր կորուստը այնքա՛ն շատ է, որ գրել անկարելի է: Մոռանալու մեծ ցանկութիւն ունինք ամէնքս: Երէկը՝ արիւն է եւ բոց, այսօրը՝ անորոշ է եւ վաղը՝ անյայտ:

Նրանք, որ վերադարձել են, լռում են: Լռում են, որպէսզի կարողանան ապրել: Բայց նրանց դէմքի վրայ դժոխքի կնիքը կայ: Ոստում են՝ անձայն, ծիծաղում են անանց ուրախութեան, շարժում են մեքենարար:

Փողոցում, կորացած մարդու քայլուածքից, բազուկների որոշ շարժումից կարելի է նրա կրած դժբախտութիւնների որակը հասկանալ: Դէմքի ինչ ինչ դժեր, աչքերի անորոշ փայլը, մտքի կանգ առնելը խօսքի առջև, խոր վշտի, անբուժելի վէրքերի բնորոշ արտայայտութիւններ են:

Մենք վարժ էինք նախնական հոգեբանութեան գրքի մէջ կարգալ:

Այժմ, այլեւս ոչ մի բան չի հասկացում: Փոխուած է ամբողջ մի ժողովրդի արտայայտութիւնը: Երբ բաց ծովը ալեկոծուած է, ափից ոչինչ չի նշմարում: Սոսկալին այն է, որ ամէն մարդ ծածկում է, ուզում է մոռանալ, ապրել այնպէս, ինչպէս պիտի ապրէր, եթէ եղեռնը տեղի ունեցած չլինէր:

Ու մինչեւ անգամ ուզում են ուրախ ապրել:

Յիշում եմ 1904-ին Բազում: Երեք օր փակուած մնացել էի թրքաց թաղում, անպաշտպան բնտանիքների մօտ: Դուրսը կրակում էին, խիտմ, թալանում: Քանի՞ անգամ խուժանք փորձեց ներս մտնել եւ շնորհիւ դազանցի թուրք ղոնապանին ազատուեցանք: Երբ երրորդ օրը, անքուն դէշերներից յետոյ յայտարարեցին, որ կռիւը վերջացել է, ես խենդ ուրախութեամբ, փողոցում ընկած դիակների վրայից ցատկելով, վազեցի դէպի կենտրոնը: Մի քիչ չանցած, առջևս եկան մի խումբ մարդիկ՝ գունդ, դաւալ նուագելով: Նրանք անցան երկու երեք փողոց, շուարած կանգ առին, դործիքները թաքցրին եւ, գլուխները ծռած, լռիկ եւ խիստ, վերադարձան:

Ոոր կսկիծը եւ վախը նորից մեզ առաւ իր անդունդը:

Այդպէս է ե՛ւ այսօր:

Նրանք, որ այլեւս չկան, եթէ ապրէին՝ պիտի նոյնը անէին: Ոգեւորութեան, ապրելու տենչի, նոր առիթներ պիտի ստեղծէին:

Եւ համաշխարհային պատերազմը ակըսուեց, յոյսերը մեր մէջ, վայրի մեղուների պէս, անհանդիստ փեթակներ դրին:

Ոնգճ Շահրիկեանը զարմանքով եւ մի քիչ էլ ցաւով դիտում էր, «Ազատամարտ»ի լսմբազրատան սեզանի վրայ նստած Վարուժանին, որ «Կեցցէ՛ պատերազմ» էր պոռում:

Գեղամ Բարսեղեանը վերջին հեռագիրներն էր թարգմանում եւ բարձրաձայն մեղ հաղորդում:

Սխամանթօն ապագայի ծրագրերն էր մըշակում:

Արման Դօրեանը, նուրբ եւ զգայուն բանաստեղծ, Քրանսական զբաղանութիւնը թողել եւ վերջին պահուն եկել էր մեր «մեհնական» շարժման միանալու:

Ես էլ «Մեհնական» ճակատից ամենին «ապրելի» էի կարդում...

Ոգեւորումից ոգեւորում, անդնդից անդունդ, ապրում ենք մի տեսակ թաւալուելով: Կրակը պարում է մեր շուրջը, ծովերը հառաչում են:

Գնացին ամէնքն էլ, մեռան. ինչպէ՞ս մեռան՝ ոչ ոք չի լիմանում: Եւ սակայն, ամէնքս էլ լիմանում ենք, որովհետեւ ամէն բան մեր սրտերի մէջ տեղի ունեցաւ:

Սոսկում եմ, երբ մտածում եմ, ով ինչպէս մեռաւ: Ինչպէ՞ս մեռաւ Սխամանթօն. նա այնքա՛ն վախում էր մահից եւ այնքա՛ն սիրում էր կեանքը:

Վարուժանը, Արտաշէս Յարութիւնեանը, Գեղամ Բարսեղեանը...

Գեղամ Բարսեղեանը:

Կան նրանից աւելի մեծերը, աւելի տաղանդաւորները, մինչեւ իսկ յիշատակի մէջ աւելի բախտաւորները, բայց չկայ մէկը իմ սըրտիս այնքա՛ն մօտ, ինչքան նա:

Մեկամղձոտ մի Պեր Գիւնտ, որի մէջ ուժգնօրէն մեղեդիացած էր պատրանքների արկածախնդրութիւնը: Մովբերից այն կողմ,